

Dommarsamlingar region Trøndelag haust 2023

Hei! Ingar og eg kjem frå eit nasjonalt dommarseminar som vart arrangert i helga, med stor deltaking frå Trøndelag. Eitt av behova som vart identifisert gjennom konferansen var behovet for årlege fysiske møtestader for alle våre aktive dommarar i regionen.

Vi ser at dei fleste uønska situasjonar med dommarar involvert skjer i lågare divisjonar eller i US-runder (i Trøndelag primært i lågare divisjonar). Her er det ofte dei minst erfarne og yngste som dømmer. Det er identifisert eit behov for å etablere ein trygg kanal kor desse dommarane kan fortelje om sine tankar/erfaringar, og få tilbakemeldingar og støtte frå meir erfarne dommarar dei kjenner til. Spesielt vart det etterlyst kvinnelege kontaktpersonar og rollemodellar for dei unge jentene og kvinnene som dømmer i regionen.

Vi trur det er nødvendig å ha møtt den trygge vaksenpersonen fysisk for å kunne bygge ein trygg nok relasjon til at ein tør å kontakte personen i etterkant.

Hos toppdommarane våre fekk ideen stor oppslutning. Frank, Ellen Mari og Jon Erik, som alle dømmer i eliteserien, vil alle stille opp på eit slikt arrangement. Det same vil deltakarane i Dommar 2-prosjektet, som for Trøndelag sin del kun er kvinner.

Vidare trur vi andre positive effektar enn å vise fram rollemodellar og trygge vaksenpersonar vil vere å styrke det sosiale dommarmiljøet, samt ha ein arena for alle moglege spørsmål ungdommen har, og også ha ein kort seanse med fagleg input og oppdatering til dommarane. Det faglege vil vere underordna det sosiale og tillitsbyggande.

Vi håper ei slik ordning kan organiserast etter nasjonale retningslinjer i 2024, men ser at nasjonal DK ikkje vil få det til i tide til årets sesong. Vi håper dermed på å kunne gjennomføre regionalt i løpet av oktober måned i 2023. Eg ser for meg enten ein møtestad i Stjørdals-området, eller ein i nord-delen og ein i sør-delen av fylket. Dei største dommarmiljøa er i Trondheim, Skatval og Steinkjer. Vidare ser eg for meg ei gjennomføring på kveldstid i rundt tre timer, der vi har litt presentasjoner, pizza, og gir deltakarane god sjanse til å snakke sjølv og å dele erfaringar. Ved stor påmelding, i mindre grupper.

Eg vil tru at i overkant av 20 dommarar vil melde seg på dette, om informasjon kjem ut i grei tid. Basert på dette ser eg for meg følgande budsjett for tiltaket:

- Leige møterom – 1500,-
- Pizza og brus – 3500,-
- Reisekostnad – 8000,- (Denne av avhengig av kor mange som kjem)